

Rhybudd o Benderfyniadau **Cyfarfod y Cabinet** a gynhaliwyd yn Neuadd Cyngor Ceredigion, Penmorfa, Aberaeron ac o bell ar **Ddydd Mawrth, 1 Tachwedd 2022**

Cyhoeddir y Rhybudd hwn am 5.00pm Dydd Iau, 3 Tachwedd 2022. Y dyddiad olaf i dderbyn cais i alw unrhyw benderfyniad i mewn yw 5.00pm Dydd Iau, 10 Tachwedd 2022 drwy ei anfon at Bennaeth y Gwasanaethau Democrataidd. Daw'r penderfyniadau i rym (os na fydd yna gais dilys i'w galw i mewn) Dydd Gwener, 11 Tachwedd 2022.

**YN BRESENNOL:** Y Cynghorydd Bryan Davies (Cadeirydd), y Cynghorwyr Catrin M S. Davies, Clive Davies, Gareth Davies, Keith Henson, Wyn Thomas, Matthew Vaux ac Alun Williams.

**HEFYD YN BRESENNOL:** Y Cynghorwyr Euros Davies, Elizabeth Evans, Keith Evans, Geraint Wyn Hughes a Gareth Lloyd.

(10.00am - 11.28am)

**75 Ymddiheuriadau**

- i. Ymddiheurodd y Cynghorydd Rhodri Evans am nad oedd yn gallu bod yn bresennol yn y cyfarfod.
- ii. Ymddiheurodd James Starbuck, Cyfarwyddwr Corfforaethol, Meirir Ebbsworth, Swyddog Arweiniol Corfforaethol: Ysgolion a Diwylliant a Rhodri Llwyd, Swyddog Arweiniol Corfforaethol: Prifffyrdd a Gwasanaethau Amgylcheddol am nad oeddent yn gallu bod yn bresennol yn y cyfarfod.

**76 Materion Personol**

- i. Estynnwyd llongyfarchiadau i Dewi Jenkins ar ei lwyddiant diweddar gyda'i gi, Jock, yn y Treialon Cŵn Defaid Rhyngwladol.
- ii. Estynnwyd llongyfarchiadau i S4C wrth i'r sianel ddathlu 40 mlynedd o ddarlledu.

**77 Datgelu buddiannau personol / buddiannau sy'n rhagfarnu**

- i. Datganodd y Cynghorydd Keith Henson fuddiant personol a buddiant sy'n rhagfarnu mewn perthynas ag eitem 85 a gadawodd y cyfarfod pan oedd y mater hwnnw'n cael ei drafod.
- ii. Datganodd Elin Prysor, Swyddog Arweiniol Corfforaethol: Gwasanaethau Cyfreithiol a Llywodraethu fuddiant personol a buddiant sy'n rhagfarnu mewn perthynas ag eitem 85, yn unol â'r Cod Ymddygiad ar gyfer Gweithwyr Llywodraeth Leol a gadawodd y cyfarfod pan oedd y mater hwnnw'n cael ei drafod.
- iii. Datganodd y Cynghorydd Gareth Davies fuddiant personol a buddiant sy'n rhagfarnu mewn perthynas ag eitem 88.

**78 Cadarnhau Cofnodion Cyfarfod Blaenorol y Cabinet ac unrhyw faterion sy'n codi o'r Cofnodion hynny**

Cadarnhau bod cofnodion Cyfarfod y Cabinet a gynhaliwyd ar 4 Hydref 2022 yn gywir.

Materion yn codi: Nid oedd materion yn codi o'r cofnodion.

Materion yn codi o gofnodion Cyfarfod y Cabinet a gynhaliwyd ar 6 Medi 2022: Eglurodd y Cynghorydd Keith Henson bod cywiriad i'r Adroddiad ar y Strategaeth ar gyfer Gwefru Cerbydau Trydan a gyflwynwyd i'r Cabinet. Nodwyd y byddai angen tua 8,000 o bwyntiau gwefru yng Ngheredigion yn 2025 a thua 24,000 yn 2030 yn hytrach na'r ffigurau gwreiddiol a nodwyd yn yr adroddiad.

**79 Unrhyw ddeisebau a dderbyniwyd**

Dim.

**80 Unrhyw benderfyniadau (os oes rhai) a alwyd i mewn gan y Pwyllgorau Trosolwg a Chraffu**

Dim.

**81 Unrhyw adborth gan y Pwyllgorau Trosolwg a Chraffu sydd ddim ar yr agenda**

- i. Adroddiad gan y Pwyllgor Trosolwg a Chraffu Adnoddau Corfforaethol ar Ddatblygu Asedau/ Eiddo Gwag.

Nodwyd yr adroddiad.

**82 Ystyried Adroddiad y Swyddog Arweiniol Corfforaethol Polisi, Perfformiad a Diogelu'r Cyhoedd ynghylch Strategaeth Gorfforaethol Ddrafft 2022-27 gydag adborth gan y Pwyllgor Trosolwg a Chraffu**

PENDERFYNIAD:

- i. Argymhell bod y Cyngor yn cymeradwyo'r Strategaeth Gorfforaethol ddrafft 2022- 2027 (gan gynnwys yr Amcanion Llesiant Corfforaethol).
- ii. Nodi adborth y Pwyllgor Cydlynu Trosolwg a Chraffu a chytuno i'r newid a ganlyn i'r geiriad i bwynt bwled 5 ar dudalen 29:  
*"Byddwn yn parhau i fynd i'r afael â materion ail gartrefi, perchnogaeth cartrefi gwyliau a throi adeiladau preswyl yn llety gwyliau drwy ofyn am gefnogaeth Llywodraeth Cymru i gyflwyno deddfwriaeth o dan y Ddeddf Gynllunio a'r Gwasanaeth Trethi".*

*Y rheswm dros y penderfyniad:*

Er mwyn bwrw ymlaen â pharatoi Strategaeth Gorfforaethol 2022-2027.

**83 Ystyried Adroddiad y Swyddog Arweiniol Corfforaethol Polisi, Perfformiad a Diogelu'r Cyhoedd ynghylch Adroddiad Blynyddol am Sylwadau o Ganmoliaeth, Cwynion a Rhyddid Gwybodaeth - 2021/2022 gydag adborth gan y Pwyllgor Trosolwg a Chraffu**

PENDERFYNIAD:

1. I nodi cynnwys Adroddiad Blynyddol y Cyngor am Sylwadau o Ganmoliaeth, Cwynion a Gweithgarwch Rhyddid Gwybodaeth 2021-22 (Atodiad 1).
2. I nodi cynnwys Llythyr Blynyddol yr Ombwdsmon (Atodiad 2).
3. I gytuno i barhau i ymwneud â gwaith Awdurdod Safonau Cwynion (CSA) Ombwdsmon Gwasanaethau Cyhoeddus Cymru - gan gynnwys cael mynediad at hyfforddiant a darparu data perfformiad.
4. I hysbysu Ombwdsmon Gwasanaethau Cyhoeddus Cymru o ganlyniad ystyriaethau'r Cyngor a'r camau gweithredu arfaethedig.

5. Nodi'r adborth o'r Pwyllgor Trosolwg a Chraffu Adnoddau Corfforaethol.

*Y rheswm dros y penderfyniad:*

Er mwyn sicrhau gwelliant parhaus a sicrhau bod yr Aelodau etholedig yn ymwybodol o berfformiad y Cyngor o ran Sylwadau o Ganmoliaeth, Cwynion, Rhyddid Gwybodaeth/Rheoliadau Gwybodaeth Amgylcheddol a Gweithgarwch yr Ombwdsmon.

**84 Ystyried Adroddiad y Swyddog Arweiniol Corfforaethol Polisi, Perfformiad a Diogelu'r Cyhoedd ynghylch Siarter Troseddau Casineb - Cymorth i Ddioddefwyr gydag adborth gan y Pwyllgor Trosolwg a Chraffu**

**PENDERFYNIAD:**

1. Cytuno ar ran Cyngor Sir Ceredigion i ymrwymo i Siarter Troseddau Casineb Cymorth i Ddioddefwyr.
2. Nodi'r adborth o'r Pwyllgor Trosolwg a Chraffu Adnoddau Corfforaethol.

*Y rheswm dros y penderfyniad*

Er mwyn atgyfnerthu'r gwaith da sydd eisoes ar waith gan yr Awdurdod Lleol o ran Troseddau Casineb ac i gynnig fframwaith i sicrhau bod ymrwymiad llawn yn digwydd ar bob lefel o'r sefydliad.

**85 Ystyried Adroddiad y Swyddog Arweiniol Corfforaethol Porth Cynnal ynghylch Pennu Ffioedd Cartrefi Gofal - Ffioedd y Sector Annibynnol a'r Awdurdod Lleol**

**PENDERFYNIAD:**

1. Cymeradwyo'r ffioedd wythnosol canlynol ar gyfer Cartrefi Gofal preifat yng Ngheredigion yn 2022/23:

Preswyl	£760.00
Preswyl EMI	£812.00
Nyrsio	£883.30
Nyrsio EMI	£883.30

gan ddod i rym ar 04/04/2022.

2. Cymeradwyo'r ffioedd wythnosol canlynol ar gyfer Cartrefi Gofal Preswyl y Cyngor yng Ngheredigion yn 2022/23:

Preswyl	£760.00
Preswyl EMI	£812.00

gan ddod i rym ar 04/04/2022.

3. Cymeradwy at ddibenion cyfraniad unigolion at eu gofal (yn dilyn canlyniad asesiad ariannol), daw'r newidiadau yn ffioedd Cartrefi Gofal Preswyl y Cyngor i rym ar 31/10/2022.

*Y rheswm dros y penderfyniad:*

Er mwyn cytuno ar ffioedd i bobl hŷn ar gyfer 2022/23 a'u pennu.

**86 Ystyried Adroddiad y Swyddog Arweiniol Corfforaethol Porth Gofal ynghylch Darpariaeth Breswyl er mwyn Cefnogi a Gofalu am Blant a Phobl Ifanc yng Ngheredigion**

PENDERFYNIAD:

1. Cytuno mewn egwyddor i'r syniad fod y model Llety Diogel i Blant yng Ngheredigion yn cael ei ehangu i gwmpasu mwy o ddarpariaethau preswyl bach ledled y Sir i gwrdd ag anghenion presennol y boblogaeth a'r anghenion yn y dyfodol. Drwy hyn, creu model llety preswyl ar sail Gydol Oes.
2. Cefnogi'r egwyddor o gyflwyno ceisiadau i Arolygiaeth Gofal Cymru i gofrestru'n hyblyg.

*Y rheswm dros y penderfyniad:*

- I wneud y mwyaf o'r lleoliadau yn y Sir.
- I gefnogi plant a phobl ifanc i gadw eu cysylltiadau lleol a'u hunaniaeth leol.
- I osgoi gwario ar leoliadau y tu allan i'r sir.
- I fuddsoddi mewn gwasanaethau a darpariaeth yn lleol ar gyfer plant a theuluoedd.

**87 Ystyried Adroddiad y Swyddog Arweiniol Corfforaethol Ysgolion a Diwylliant ynghylch Cynrychiolwyr yr Awdurdod Lleol ar Gyrrff Llywodraethol**

PENDERFYNIAD:

Cadarnhau enwebu'r sawl a enwir yn yr adroddiad yn gynrychiolydd yr Awdurdod Lleol ar Gyrrff Llywodraethol yr ysgol berthnasol.

*Y rheswm dros y penderfyniad:*

Er mwyn enwebu cynrychiolwyr yr Awdurdod Lleol ar Gyrrff Llywodraethol.

**88 Ystyried Adroddiad y Swyddog Arweiniol Corfforaethol Priffyrdd a Gwasanaethau Amgylcheddol ynghylch Mabwysiadu Priffordd: Llys Ardwyn (Bryn Ardwyn), Aberystwyth**

PENDERFYNIAD:

Cymeradwyo'r bwriad i fabwysiadu Llys Ardwyn (Bryn Ardwyn) drwy broses Adran 38 o Ddeddf Priffyrdd 1980 a'i chynnal ar gost y cyhoedd wedi hynny.

*Y rheswm dros y penderfyniad:*

I alluogi'r heol i gael ei chynnal ar gost y cyhoedd.

**89 Ystyried Adroddiad y Swyddog Arweiniol Corfforaethol Priffyrdd a Gwasanaethau Amgylcheddol ynghylch Mabwysiadu Priffordd: Pen-yr-Angor, Trefechan, Aberystwyth**

PENDERFYNIAD:

Cymeradwyo'r bwriad i fabwysiadu Pen-yr-Angor, Trefechan, Aberystwyth drwy broses Adran 278 ac Adran 38 o Ddeddf Priffyrdd 1980 a'i chynnal ar gost y cyhoedd wedi hynny.

*Y rheswm dros y penderfyniad:*

I alluogi'r heol i gael ei chynnal ar gost y Cyhoedd.

- 90 Nodi Adroddiad y Swyddog Arweiniol Corfforaethol Polisi, Perfformiad a Diogelu'r Cyhoedd ynghylch Adroddiad Blynnyddol y BGC Ceredigion: Strategaeth Mynd i'r Afael a Chaledi 2021-22 gydag adborth gan y Pwyllgor Trosolwg a Chraffu**  
Nodwyd yr adroddiad a'r adborth o'r Pwyllgor Trosolwg a Chraffu Adnoddau Corfforaethol.
- 91 Nodi Adroddiad y Swyddog Arweiniol Corfforaethol Porth Cynnal ynghylch Adroddiad Rheoli Perfformiad Y Gwasanaeth Adolygu Annibynnol Chwarter 4 2021/22**  
Nodwyd yr adroddiad.
- 92 Unrhyw fater arall y penderfyna'r Cadeirydd fod arno angen sylw brys gan y Cabinet**  
Dim.

**Cadarnhawyd yng Nghyfarfod y Cabinet a gynhaliwyd ar ddydd Mawrth,  
6 Rhagfyr 2022**

**Cadeirydd: \_\_\_\_\_**

**Dyddiad: \_\_\_\_\_**